

Aalajangiiffigisassatut siunnersuummut uunga ilanngussaq 1 naapertorlugu piaarnerpaamik, kingusinnerpaamillu ulloq 1. oktobari 2019-imi atuutilersussamik, Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaannut nr. 1, 25. januaari 2019-imeersumut allannguinissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

Akissuteqaat

(Peqqissutsimut, Isumaginninnermut Inatsisinillu Atuutsitsinerlut Naalakkersuisoq)

Aappassaaneerpeqarnera

Aallaqqaammut Inatsisartunut aalajangiiffigisassatut siunnersuummik peqqissaartumik suliaqarsimanera pillugu Ilaqutariinnut Peqqinnissamullu Ataatsimiititaliaq Naalakkersuisut qutsavigaat.

Nalunaarutip pilersinneqarnera pillugu tusarniaanermi peqataasut attuumassuteqartut ilanngutitinneqarsimanerlut ataatsimiititaliaq isumaqarmat, aammalu peqqissaarunneqartarialimmik suliap naammassineqarsimaneranut ataatsimiititaliaq isumaqarmat Naalakkersuisut nuannaarutigaat.

Siunnersuut itigartinneqassasoq ataatsimiititaliami amerlanerussuteqartut, Siumumeersut Demokratineersullu, inassutigaat.

Annertunerusumik oqaaseqaateqarfiginagu Naalakkersuisut ataatsimiititaliap inassutigisaat akuersaarpaat, siunnersuutilu aappassaaneerpeqarnissaanut ingerlateqqillugu.